



Subota, 2. oktobar/listopad 2010.

BiH i EBRD potpisali ugovor o kreditu

Za obnovu željeznice u FBiH 20 miliona KM



Vrankić i Moreno: S potpisivanja ugovora

Direktor Ureda Evropske banke za obnovu i razvoj (EBRD) za BiH Đulio Moreno (Giullio) i ministar finansija i trezora BiH Dragan Vrankić potpisali su jučer u Čapljini ugovor o kreditu od 20 miliona maraka.

Novac će biti iskorišten za završetak obnove južnog pravca željezničkog koridora 5C. Riječ je o dionici Bradina - Sarajevo. Također, sredstva EBRD-a bit će iskorištena i za obnovu kontaktne mreže elektrovočnih stanica na dionici Sarajevo - Čapljina.

- Kredit je dobiven na bazi sporazuma sa EBRD-om iz 2005. godine, kada je osigurano 70 miliona eura za rekonstrukciju željezničke pruge Čapljina - Sarajevo. Potpisali smo i sporazume za sredstva

za lokomotive i vagone. Želimo da naša željeznica prema luci Ploče bude u funkciji privrede i da bude uvezana u evropski sustav - kazao je Vrankić.

Moreno je rekao da će EBRD nastojati mobilizirati i grant sredstva BiH od oko 300.000 eura, kao podršku za okolišne analize i jačanje lokalnih komunalnih preduzeća.

Jučer je potpisan i sporazum o prihvatanju kredita za projekt vodosnabdijevanja Čapljine u iznosu od osam miliona maraka. Ovom projektu podršku je dala i EU kroz IPA fond u iznosu od devet miliona maraka.

A. Du.